

STATUTI

I Shoqërisë me përgjegjësi të kufizuar

"JD&Free"

Shoqëria tregtare me përgjegjësi të kufizuar "JD&Free" Sh.p.k, që këtu e më poshtë do të quhet "Shoqëria", zotërohet nga ortakët:

- 1- **Znj/Frida Agalliu**, e bija e Kastriot-it, e datëlindjes 03.02.1985, lindur në Vlorë e banuese në Berat, i identifikuar me kartën e identitetit me numër personal I55203083J, letër njoftim nr.032847748, madhor me zotësi të plotë juridike për të vepruar.
- 2- **Z/Desard Agalliu**, i biri i Agimi-it, i datëlindjes 02.07.1976, lindur dhe banues në Berat, i identifikuar me kartën e identitetit me numër personal H60702054T, letër njoftim nr.038569480, madhor me zotësi të plotë juridike për të vepruar.

Në përputhje me vullnetin e tyre të lirë dhe bazuar në dispozitat e legjislacionit shqiptar, vendosën të hartojnë këtë Statut të shoqërisë "JD&Free" Sh.p.k. mbi bazën e këtyre principeve:

KAPITULLI

EMRI, FORMA, BAZA JURIDIKE, SELIA, TERRITORI

NENI 1

Forma dhe Emri

1.1 Shoqëria ka formën e shoqërisë me përgjegjësi të kufizuar, me initiale Sh.P.K., të cilat vijnë përpara ose menjëherë pas emrit të shoqërisë. Kjo shoqëri i përballon humbjet deri në kufirin maksimal të vlerës së kontributit të ortakëve në kapitalin themeltar të shoqërisë.




1.2 Emri i shoqërisë është "JD&Free" Shpk.

Forma dhe emri i shoqërisë mund të ndryshohen me vendim të Asamblesë së Përgjithshme të Ortakëve.

NENI 2

Baza ligjore

Shoqëria është themeluar dhe do të funksionojë në përputhje me Ligjin Nr. 9723, datë 03.05.2007 "Për Regjistrimin e Biznesit" dhe Ligjin Nr. 9901, datë 14.04.2008, "Për tregtarët dhe shoqëritë tregtare", në përputhje me legjislacionin shqiptar në përgjithësi, në përputhje me aktet e shoqërisë si dhe në përputhje me marrëveshjet ndërkombëtare të ratifikuara dhe që do të ratifikohen në të ardhmen nga Republika e Shqipërisë.

STATUT "JD&Free" SHPK

NENI 3

Selia

Selia dhe qendra e kësaj shoqërie është në adresën: **Pasuria me Nr.15/166,Zona Kadastrale Nr.8501,Lagjja "Muzakaj", BERAT.**

Me adresën e mësipërme do të identifikohet qendra e personit juridik. Me vendim të Asamblesë së Ortakëve mund të hapen degë, filiale, agjensi ose përfaqësi brenda territorit të Republikës së Shqipërisë sipas fushave në të cilat e ushtron veprimtarinë shoqëria.

NENI 4

Territori

4.1 Shoqëria e zhvillon aktivitetin e saj lirisht si brenda ashtu edhe jashtë territorit të Republikës së Shqipërisë.

4.2 Shoqëria mund të krijojë zyra ose përfaqësi të saj brenda dhe jashtë territorit të Republikës së Shqipërisë. Zyrat, filialet ose përfaqësitë e shoqërisë jashtë territorit të Republikës së Shqipërisë do të zhvillojnë veprimtarinë e tyre në përputhje me legjislacionin e vendeve përkatëse.

KAPITULLI II

OBJEKTI DHE KOHËZGJATJA E SHOQËRISË

NENI 5

Objekti i shoqërisë

Shoqëria "JD&Free" Sh.p.k. ka si objekt të veprimtarisë së saj:

Tregtim me pakicë kafeje të pakeluar ,sheqerit si dhe produkte të tjera ushqimore.

Shërbime të ndryshme kryesisht ato që lidhen me furnizimin,administrimin apo organizimin e hoteleve,bar-restoranteve,bujtinave etj.

Me qëllim realizimin e shërbimeve të sipërpërmendura,do të jetë si objekt veprimtarie edhe marketingu apo reklamimi si edhe ofrimi i materialeve publicitare,falas,pa pagesë.

Asad Agallin

Frider Agallin

STATUT "JD&Free" SHPK

NENI 6 Kohëzgjatja

Shoqëria tregtare krijohet për të zhvilluar aktivitetin e saj për një afat të kohor të pacaktuar duke filluar nga data e regjistrimit në organin kompetent Qendra Kombëtare e Biznesit. Shoqëria prishet dhe kalon në procedurë likuidimi me vendim të Asamblese së Ortakëve, si dhe në rastet e tjera të parashikuara në ligj.

KAPITULLI III

KONFIDENCIALITETI DOKUMENTET E DESTINUARA PËR TË TRETË

NENI 7 Konfidencialiteti

Ortakët e shoqërisë si dhe personat e tjerë të pranuar në shoqëri, bien dakord që të mos i ekspozojnë asnjë personi të jashtëm informacionet që do të disponojë shoqëria, kontratat që ajo do të lidhë, çdo lloj materiali, si dhe planet ose qëllimet që ajo ka për të ardhmen e saj.

NENI 8 Dokumentat e destinuar për të tretët

Të gjithë aktet dhe dokumentet që nxirren nga shoqëria dhe të destinuar për të tretët, si letrat, faturat, lajmërimet dhe publikimet e ndryshme etj., duhet të tregojnë lexueshëm emrin e shoqërisë dhe pas tij fjalët "Shoqëri me Përgjegjësi të Kufizuar" ose inicialet "Sh.P.K.", si dhe emrin e administratorit ose të administratorëve.

KAPITULLI IV **KAPITALI THEMELTAR, KONTRIBUTET, PJESËT DHE TRASFERIMI I TYRE**

NENI 9 Kapitali Themeltar

Kapitali themeltar i shoqërisë tregtare "JD&Free" është në masën 100.000 Lek (njëqind mijë), i ndarë në 2(dy)kuota që zotërohen nga ortakët e shoqërisë:

1- Frida Agalliu	50.000 Lekë (pesëdhjetë mijë)	50 %
2- Desard Agalliu	50.000 Lekë (pesëdhjetë mijë)	50 %

Kapitali themeltar i shoqërisë do të shlyhet tërësisht dhe depozohet në një llogari të hapur në emër të shoqërisë në një nga bankat e nivelit të dytë pasi shoqëria të jetë regjistruar në Qendrën Kombëtare të Biznesit.

3   

STATUT "JD&Free" SHPK

NENI 10

Të drejtat e ortakëve në lidhje me kapitalin

10.1 Zmadhimi dhe zvogëlimi i kapitalit themeltar të shoqërisë kryhet sipas vendimit të asamblesë së përgjithshme të ortakëve, me 50% të kuotave të kapitalit themeltar të shoqërisë.

10.2 Në rast zmadhimi të kapitalit themeltar, i përket ortakëve e drejta me opsjon mbi kapitalin në zmadhim, në proporcion me kuotën e kapitalit që kanë në pronësi.

Nëse ndonjëri nga ortakët nuk do të nënshkruaj kuotën e tij të kapitalit në zmadhim, e drejta e opsionit do ti perkasë ortakëve të tjerë.

Duke mos e ushtruar ortakët të drejtën e opsionit, kapitali në zmadhim i panënshkruar do të nënshkruhet nga palë të treta.

10.3 Përgjegjësia e ortakëve për detyrimet e shoqërisë shtrihet deri në vlerën e kontributit të tyre në kapitalin e saj themeltar.

10.4 Kuotat e kapitalit të shoqërisë nuk mund të rëndohen lirisht me barrë siguruese apo të drejta të tjera reale. Në rast shitje të kuotave të kapitalit themeltar të shoqërisë për efekt zbatimi të një vendimi gjyqësor apo përmbushje të një detyrimi, enti që ekzekuton vendimin ose detyrimin (zyra përbarimore ose ndonjë organ tjetër kompetent), duhet të ketë në konsideratë respektimin e kërkesave të nenit 13 të këtij statuti. Secili ortak që rëndon me barrë apo të drejta të tjera reale kuotat e tij, ka detyrimin ti shpjegoje neni 13 të këtij statuti subjektit në favor të cilit vendoset barra siguruese.

10.5 Secili ortak ushtron të drejtat pasurore të parashikuara nga ligji në proporcion me kuotat e pjesëmarrjes në kapital.

10.6 Ortakët që nuk marrin pjesë në administrimin e shoqërisë kanë të drejtë t'i kërkojnë organit administrativ informacione mbi aktivitetin e shoqërisë, si dhe të konsultojnë dokumentet kontabël e dokumentet e tjera që lidhen me administrimin e saj.

NENI 11

Fusha e autoritetit të ortakut

Fusha e autoritetit të ortakëve, përqindja e fitimeve ose humbjeve do të kenë si kriter bazë kontributin e çdo ortaku në kapitalin e shoqërisë, si dhe kompetencat që gëzon ortaku në marrjen e vendimeve të çdo karakteri, të përcaktuar në këtë statut.

Desara Gjollin

Fridoi Gjollin

STATUT "JD&Free" SHPK

NENI 12

Financimi i shoqërisë dhe përgjegjësia

Shoqëria nuk përgjigjet për detyrimet e marra për qëllime që nuk përputhen me ato të percaktuara nga **Akti i Themelimit** dhe **Statuti** i saj.

Shoqëria nuk përgjigjet për detyrimet e marra nga ortakët në emrin e tyre personal jashtë asamblesë së ortakëve, ndaj personave fizik apo juridik, privat apo publik, vendas apo të huaj. Por shoqëria mund të marrë hua ose kredi gjithmonë për financimin e ndërmarrjeve në aspektin e menaxhimit të tyre, të nënshkruaj kontrata duke theksuar kontratat e llogarisë rrjedhëse me të drejtën e besimit për xhirimin, aspektin e llogarisë dhe protestimit në lidhje me kambiale të ndryshme.

Organi administrativ, në përputhje me dispozitat ligjore në fuqi, ka të drejtë të kërkojë nga ortakët fondet e nevojshme për arritjen e objektit të shoqërisë. Në këtë rast shlyerja e huasë ndaj ortakut bëhet pa interes.

Për të siguruar ekzekutimin e detyrimeve ndaj shtetit dhe personave të tretë, juridikë apo fizikë, si edhe për të shtuar veprimtarinë e saj, shoqëria tregtare krijon një fond rezervë prej 1/20 e fitimit të vitit paraardhës financiar.

NENI 13

Transferimi i pjesëve të kapitalit

13.1 Kapitali themeltar i shoqërisë ose pjesë të tij mund të transferohen lirisht mes ortakëve të shoqërisë. Kapitali themeltar i shoqërisë ose pjesë të tij mund të transferohen tek persona të tretë vetëm pasi ortakët e shoqërisë në përputhje me dispozitat e legjislacionit shqiptar zyrtarisht kanë refuzuar ushtrimin e të drejtës së parablerjes.

13.2 Transferimi i kapitalit themeltar të shoqërisë ose i pjesëve të tij tek persona të tretë bëhet vetëm në këtë mënyrë:

- Oferta për shitje u drejtohet të gjithë ortakëve me shkrim;

- Oferta duhet të përcaktojë numrin e kuotave që shiten dhe çmimin e tyre; Nëse ortakët e shoqërisë brenda 3 (tre) muaj nga oferta me shkrim nuk pranojnë blerjen e kuotave të ofruara me çmimin e përcaktuar, atëherë konsiderohet se ata lejojnë shitblerjen tek të tretët.

13.3 Kapitali themeltar është lirisht i trashëgueshem në rrugë trashëgimie. Bashkëshorti, paraardhësit dhe pasardhësit mund të bëhen ortakë nëpërmjet transferimit të pjesëve të kapitalit themeltar sipas kushteve që lejohen në ligj.

13.4 Transferimet e pjesëve të kapitalit themeltar duhet të depozitohen në organin kompetent.

13.5 Klauzolë miratimi. Nëse asnjë ortak nuk do të ushtrojë të drejtën e parablerjes në kohë dhe sipas kushteve të parashikuar për transferimin e kuotave apo të drejtën e opcionit, kalimi i kuotave nuk do të mund të bëhet pa pëlqimin e Asamblesë së Ortakëve që vendos për pranimin e transferimit të një personi të tretë.

Ortakët mblidhen jo më herët se 30 (tridhjetë) ditë, por jo më vonë se 60 (gjashtëdhjetë) ditë, nëpërmjet Asamblesë të Zakonshme të Ortakëve, duke vendosur me votën pro (në favor) me të paktën gjysmën e kapitalit themeltar.

Sasora Agollin

Frida Agollin

Agollin

STATUT "JD&Free" SHPK

13.6 Pëlqimi mund të refuzohet vetëm kur blerësi nuk jep garanci të mjaftueshme rreth kapaciteteve financiare ose për kushtet objektive për aktivitetin që kryen, të tilla që hyrja e tij në shoqëri mund të jenë e dëmshme për arritjen e objektivave nga shoqëria ose konflikt me interesat e shoqërisë apo të ortakëve të tjerë.

Asambleja e Ortakëve duhet të njoftojë me shkrim në adresën që rezulton vendimin për miratim. Nëse brenda afatit prej 90 (nëntëdhjetë) ditëve nga marrja e kërkesës për miratim ortaku kërkues që nuk ka marrë asnjë komunikim miratimi do të konsiderohet si i dhëne dhe ortakët mund të transferojnë kuoten e tyre.

13.7 Nëse miratimi i mohohet do të prezantohet një tjetër blerës. Për këtë qëllim, Asambleja e Ortakëve duhet të tregojë në letrën e refuzimit emrin e blerësit të propozuar; transferimi duhet të plotësohet me të njëjtat kushte të përcaktuara në kërkesën për miratim nga ana e aplikantit brenda 90 (nëntëdhjetë) ditëve pas marrjes së komunikimit të fundit.

Përndryshe, ortaku do të jetë i lire për të shitur pjesëmarrjen e tij personit që konsideron me te përshtatshem.

KAPITULLI V

ORGANET DREJTUESE DHE ADMINISTRIMI I SHOQËRISË

NENI 14

Organet drejtuese

14.1 Organet drejtuese të shoqërisë do të jenë Asambleja e Ortakëve dhe Administratori. Për efekt të ndryshimeve që mund të pësojë shoqëria në të ardhmen dhe shtimit të numrit të ortakëve, këtu e në vazhdim organit zotërues të kuotave të kapitalit themeltar të shoqërisë do ti referohemi me termin Asamble e Ortakëve.

14.2 Shoqëria mund të emëroje më shumë se një Administrator. Në çdo rast, kur termi "Administrator" përdoret për të përcaktuar Administratorin e shoqërisë "JD&Free" Sh.p.k, ky term nënkupton të gjithë Administratorët e saj sado qofshin këta në numër.

14.3 Përveç organeve të parashikuara më sipër Asambleja e Ortakëve mund të krijojë edhe organe të tjera drejtuese, në aktet e krijimit të këtyre organeve do të përcaktohen kohëzgjatja dhe kompetencat e tyre.

14.4 Administrator i shoqërisë për një periudhë 5 (pesë) vjeçare me të drejtë rizgjedhje është emëruar: **Z/Desard Agalliu**, i biri i Agimi-it, i datëlindjes 02.07.1976, lindur dhe banues në Berat, i identifikuar me kartën e identitetit me numër personal H60702054T, letër njoftim nr.038569480, madhor me zotësi të plotë juridike për të vepruar.

Desard Agalliu

Frider Agalliu

STATUT "JD&Free" SHPK

KAPITULLI VI ASAMBLEJA E ORTAKËVE ,ADMINISTRIMI

NENI 15

Vendimet e Asamblesë së Ortakëve

15.1 Asambleja e Ortakëve vendos për çështjet që ligji apo ky statut i rezervon këtij organi, si dhe për çështjet për të cilat, organi administrativ kërkon mendimin apo miratimin e ortakëve.

15.2 Në rastin e marrjes së vendimeve, që kërkojnë një shumicë të zakonshme, Asambleja e Përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 50 % të kuotave të kapitalit themeltar.

NENI 16

Konsultimi me shkrim i ortakëve

16.1 Në përputhje me dispozitat e statutit, vendimet e ortakëve mund të merren pas një konsultimi me shkrim që organi administrativ i drejton secilit prej tyre. Në këtë rast, organi administrativ i komunikon ortakëve tekstin e projekt-vendimit që do të merret dhe i kërkon të shprehin vullnetin e tyre në lidhje me këtë çështje.


16.2 Vendimet e marra në këtë mënyrë janë të vlefshme kur vendimi merret nga shumica që ligji apo ky statut kërkon për atë çështje.

NENI 17

Mënyra dhe vendi i thirrjes së Asamblesë së Ortakëve

17.1 Asambleja e Ortakëve thirret pranë selisë së shoqërisë, apo në ndonjë vend tjetër brenda Republikës së Shqipërisë, nëpërmjet një njoftimi me shkrim edhe nëpërmjet postës elektronike (E-mail), duke e konfirmuar marrjen, që iu dërgohet ortakëve nga Kryetari i Asamblesë së Ortakëve dhe / ose Organi Administrativ.

17.2 Njoftimi i thirrjes sëmbledhjes së asamblesë duhet të kryhet 15 (pesëmbëdhjetë) ditë përpara datës së mbledhjes dhe duhet të përcaktojë shprehimisht datën, orën, vendin si dhe rendin e ditës. Në rast pamundësie apo mosveprimi nga ana e organit administrativ, mbledhja e asamblesë së ortakëve mund të thirret nga eksperti kontabël i autorizuar, nëse ka të tillë, ose nga një apo me shumë ortakë, të cilet përfaqësojnë jo më pak se 10% të kapitalit të shoqërisë.

7 

STATUT "JD&Free" SHPK

NENI 18

Kryetari i Asamblesë së Ortakëve

18.1 Mbledhja e Asamblesë së Ortakëve emëron Kryetarin e Asamblesë.

18.2 Kryetari i Asamblesë verifikon thirrjen dhe mbledhjen e rregullt të Asamblesë së Ortakëve, vërteton identitetin apo legjitimitimin e përfaqësuesit të ortakeve dhe drejton zhvillimin e rregullt të mbledhjes.

NENI 19

Pjesëmarrja në vendime

Çdo ortak ka të drejtën e një vote për çdo kuotë të kapitalit themeltar të shoqërisë që ai zotëron. Një ortak mund të përfaqësohet në mbledhjen e asamblesë nga një ortak ose nga një delegat i pajisur me një prokurë me shkrim, me anë të së cilës mund të jap votën e tij.

NENI 20

Kompetencat e Asamblesë së Ortakëve

20.1 Kompetencat e Asamblesë së Zakonshme të Ortakëve do të jenë:

- Vendos për përpilimin ose miratimin e rregulloreve për shoqërinë apo për fusha të veçanta të veprimtarisë.
- Vendos për ndryshimin e statusit të shoqërisë.
- Vendos për ndryshimin e selisë së shoqërisë.
- Vendos për krijimin e zyrave ose të përfaqësive si dhe për krijimin e shoqërive ose të ortakërive me persona të tjerë fizikë apo juridikë.
- Vendos për politikën afariste të shoqërisë dhe përcakton fushat konkrete të veprimtarisë së saj.
- Emëron dhe shkarkon Administratorin e shoqërisë, ekspertin kontabël të autorizuar, likuidatorin duke përcaktuar dhe detajuar kompetencat e tyre, të drejtat, detyrimet, kohëzgjatjen në detyrë, dhe shpërblimin e tyre.
- Vendos në lidhje me krijimin e organeve të tjera drejtuese që mund t'i nevojiten shoqërisë duke përcaktuar në aktet e krijimit të këtyre organeve, kohëzgjatjen dhe kompetencat e tyre, për emërimin e personave drejtues të këtyre organeve.
- Asambleja e Ortakëve marrjen e vendimeve e kryen vetë dhe nuk bën delegimin e vendimarrjes të asnjë organ tjetër. Asambleja e Ortakëve vendos edhe në lidhje me krijimin e sektorëve të veçantë të veprimtarisë së shoqërisë.
- Shqyrton dhe miraton bilancin vjetor.
- Vendime për shpërndarjen e fitimeve, mbulimin e humbjeve, zmadhimin e zvogëlimin e kapitalit.
- Miraton tarifat e shërbimeve të shoqërisë.
- Miraton pagat e të punësuarve në shoqëri.
- Vendos në lidhje me kohëzgjatjen e shoqërisë si dhe për mbarimin e likuidimit e saj.
- Vendos për ndryshimin e emrit të shoqërisë.
- Vendos për ndryshimin e formës, për ndarjen e shoqërisë si dhe për bashkimin e saj me shoqëri të tjera.

Sasor Agolliu

Frida Agolliu

STATUT "JD&Free" SHPK

- Përcakton llojin e fondeve të ndryshme dhe masën e tyre, përcaktimin e dividendit, marrjen dhe dhënien e huave, kredive, borxheve.
- Realizon marrëdhëniet më të rëndësishme ekonomike dhe financiare të shoqërisë me persona të tjere fizik apo juridik, vendas apo të huaj.
- Vendos në lidhje me transferimin e pjesëve të kapitalit themeltar të shoqërisë.

20.2 Përveç kompetencave të lartpërmendura, të cilat janë ekskluzive për të ,Asambleja e Ortakëve ushtron çdo kompetencë që ia njeh ligji.

20.3 Asambleja e Ortakëve në rastet kur nuk ka emëruar Administrator, kryen dhe kompetencat që në këtë Statut janë përcaktuar për këtë të fundit.

NENI 21

Administratori dhe kompetencat e tij

21.1 Kompetencat e Administratorit ose të Administratorëve, të cilët mund edhe të mos jenë ortakë të shoqërisë, në menyre konkrete dhe të detajuar përcaktohen në aktin e tyre të emërimit. Veç të tjerave që mund të detajohen në këtë akt, Administratori ka edhe këto kompetenca:

- Kujdeset për funksionimin e përditshëm normal të shoqërisë ose të një pjese të aktivitetit ekonomik dhe financiar të saj, sipas përcaktimit në aktin e emërimit.
- Përgatit dokumentacionin dhe raportet e ndryshme për gjendjen ekonomike dhe financiare të shoqërisë sipas legjislacionit në fuqi dhe ia paraqet Asamblesë së Ortakëve për shqyrtim.
- Koordinon veprimtarinë e personave të punësuar në shoqëri në lidhje me marrëdhëniet e punësimit dhe shpërblimet.
- Ndjek problemet e shoqërisë në marrëdhënie me organet shtetërore ose cakton ndonjë prej personelit për trajtimin e këtyre problemeve.
- I propozon Asamblesë së Ortakëve tarifat e shërbimeve dhe pagat për personelin e punësuar në shoqëri.
- I propozon Asamblesë së Ortakëve rregulloren e shoqërisë.
- Administratorët kanë të drejtë të gjithë së bashku ose veçmas nga njeri-tjetri të përfaqësojnë shoqërinë në lidhje me të tretët.
- Nënshkruan dhe jep urdhra për emërimin e punojësve dhe largimin e tyre nga puna, nënshkruan listëpagesat, urdhëron dhënien e dietave për punojësit .
- Ka të drejtë të marrë vendime dhe të nxjerrë urdhra në funksion të veprimtarisë që zhvillon shoqëria sipas kompetencave të dhëna.
- Ka të drejtë të marrë pjesë në shitblerje dhe të ndjekë procedura falimentimi.
- Të përfaqësojë shoqërinë në organet gjyqësore e administrative.
- Administratori mund të kapërcejë dhe të veprojë edhe përtej kufizimeve të vendosura në këtë nen. Ai merr vendime që janë në interes të punës për problemet e emergjencës.

21.2 Administratori ose Administratorët janë përgjegjës ndaj shoqërisë ose ndaj të tretëve qoftë për shkelje ligjore, qoftë për shkelje të statutit ose për faje të kryera gjatë ushtrimit të administrimit të shoqërisë. Përgjegjësia është individuale ose solidare, kjo në varësi të rrethanave dhe të mënyrës

Sasord Agolliu

Frida Agollin Agolliu

STATUT "JD&Free" SHPK

se si është vepruar, pra individualisht ose solidarisht.

21.3 Administratori e pushon veprimtarinë e tij kur:

-Jep dorëheqjen

-Përfundon afati

-Shkarkohet me shumicë të zakonshme nga Asambleja e Përgjithshme.

Administratori ka të drejtë që të kryej të gjitha transaksionet që ka shoqëria në marrëdhënie me të tretë.

KAPITULLI VII

KONTROLLI KONTABËL, BILANCI, DIVIDENTËT

NENI 22

Kontrolli Kontabël

Kontrolli i jashtëm kontabël i shoqërisë kryhet nga ekspertë kontabël të autorizuar, sipas legjislacionit në fuqi. Asambleja e Ortakëve do të emërojë një apo më shumë ekspertë kontabël në ato raste kur emërimi i tyre konsiderohet i nevojshëm ose kërkohet në bazë të ligjit.

NENI 23

Bilanci dhe Rezervat

23.1 Viti financiar fillon më 01 Janar dhe mbaron në 31 Dhjetor. Përjashtim bën viti i parë financiar i cili fillon në datën e regjistrimit të shoqërisë në Qendrën Kombëtare të Biznesit. Bilanci mbyllet në 31 dhjetor të çdo viti. Llogariteë vjetore, inventari, raportet mbi operacionet e vitit financiare dhe raportet e hartuara nga eksperti kontabël i autorizuar, i paraqiten për shqyrtim asamblesë së ortakëve, e cila vendos mbi miratimin, ndryshimin osë rrëzimin e këtyre akteve. Kur e konsideron të nevojshme Asambleja e Ortakëve mund të bëjë rekomandimet e nevojshme në lidhje me çështjen në diskutim.

23.2 Me mbylljen e secilit vit financiar, Administratori i vetëm merr masat e nevojshme për hartimin e projekt-bilancit të aktivitetit për vitin financiar të mbyllur, në mënyrë që Asambleja e Ortakëve të vendosë mbi miratimin apo ndryshimet e mundshme të tij brenda afateve të përcaktuara nga ligji.

23.3 Asambleja e Ortakëve vendos mbi ndarjen ndërmjet ortakëve të shumave që rezultojne si fitime sipas bilancit të aprovuar rregullisht, pasi nga keto shuma të jenë zbritur humbjet e mundshme të viteve të mëparshme, si dhe të jenë lënë mënjanë shumat e nevojshme për krijimin e rezervës ligjore. Rezerva ligjore krijohet vit pas viti nëpërmjet lënies mënjanë të një shume të barabarte me 5 % të fitimit neto të realizuar gjatë secilit vit financiar, deri sa të arrihet një shumë e barabartë me 10 % të kapitalit themeltar të shoqërisë.

23.4 Asambleja e Ortakëve në çdo moment mund të vendosë krijimin e rezervave të tjera, si dhe masën e tyre.

Sasord Agalliu *Frida Agalliu*

KAPITULLI VIII
MBARIMI DHE LIKUJDIMI I SHOQËRISË,
LARGIMI DHE PËRJASHTIMI I ORTAKËVE

NENI 24

Mbarimi

Shoqëria mbaron me vendim të Asamblesë së Jashtëzakonshme të Ortakëve ose kur ka një prishje të parakohshme për arsyt e parashikuara në ligj.

NENI 25

Likujdimi

25.1 Shoqëria hyn në procesin e likujdimit që në momentin e prishjes së saj. Për kryerjen e këtij procesi Asambleja e Ortakëve cakton një ose disa likujdues, të cilët i paraqesin asaj raportin mbi gjendjen e aktivitetit dhe pasivitetit të shoqërisë, mbi ndjekjen e operacioneve të likujdimit dhe mbi afatin e nevojshëm të përfundimit të tyre.

25.2 Në fund të procesit të likujdimit, Asambleja e Ortakëve vendos mbi bilancin përfundimtar financiar dhe mbi mbylljen e procesit të likujdimit.

25.3 Mbas pagimit të kreditorëve Asambleja e Ortakëve mban pjesën e mbetur të kapitalit që u shpërndahet ortakëve.

NENI 26

Largimi dhe përjashtimi i ortakëve

26.1 E drejta e largimit lejohet në rastet e parashikuara me ligj.

Njoftimi i largimit duhet të dërgohet shoqërisë me shkrim dhe duhet të përfshijë emër mbiemër të ortakut që largohet, vendbanimin, për komunikimet e nevojshme mbi procedurën e largimit dhe numrin e kuotave në lidhje me të cilat synon të largohet, motivimet përkatëse.

Ortakët që largohen nga shoqëria kanë të drejtë të marrin një rimbursim të kuotave në proporcion të kapitalit të shoqërisë. Për këtë qëllim është përcaktuar duke marrë parasysh vlerën e tij të llogaritur në bazë të kapitalit neto.

26.2 Shlyerja e kuotave për të cilën është ushtruar e drejta e largimit duhet të bëhet brenda 90 (nëntëdhjetë) ditëve nga komunikimi që i bëhet shoqërisë. Ajo gjithashtu mund të bëhet me anë të blerjes nga ortakët e tjerë në proporcion me pjesëmarrjen e tyre ose nga një palë e tretë të identifikuar në mënyrë unanime nga ortakët.

Për këtë qëllim, administratorit i kërkohet që të njoftojë ortakët e tjerë mbi mbarëvajtjen e procedurës së largimit të ortakut, dhe t'ia ofrojë për shitje, në emër dhe për llogari të ortakut që largohet, pjesën mbi të cilën është ushtruar largimi, duke deklaruar çmimin e kuotës dhe afatin për pagesën e saj, jo më shumë se 3 (tre) muaj. Për shitjen zbatohen rregulla mbi ushtrimin e së drejtës

STATUT "JD&Free" SHPK

të parablerjes në këtë Statut.

26.3 Ortakët duhet të informojnë shoqërinë për qëllimin e tyre për të blerë kuotat e ortakut që largohet ose emrin e palës së tretë blerëse brenda 30 (tridhjetë) ditëve nga marrja e komunikimit nga shoqëria dhe qëllimin e ortakut për t'u larguar. Nëse oferta është pranuar nga shumica e ortakëve, pjesa e ortakut që largohet do të ndahet në proporcion midis ortakeve në bazë të kuotave përkatëse që kanë në kapitalin themeltar.

Nëse kjo nuk ndodh, rimbursimi do të bëhet duke përdorur rezervat e disponueshme ose në mungesë përkatësisht zvogëlimin e kapitalit; nëse nuk është e mundur një rimbursim i kuotave të ortakut që largohet, atëherë shoqëria vendoset në likuidim.

26.4 Përjashtimi i ortakut mund të bëhet, në rast të vonesës apo pamundësisë së kryerjes të punës ose shërbimeve që mund të kryhen nga një ortakë. Përjashtimi duhet të përcaktohet me vendim të Asamblesë së Përgjithshme të Ortakëve me tre të katërtat e votave.

Pas zbulimit të vendimit për të përjashtuar ortakun, ky i fundit është i penguar për të ushtruar të drejtat shoqërore.

26.5 Për likuidimin e kuotës të ortakut që largohet, aplikohet procedura e rimbursimit e parashikuar për largimin, përjashtuar këtu mundësia e shlyerjes së kuotës nëpërmjet reduktimit të kapitalit themeltar dhe likuidimin e mundshëm të shoqërisë. Përjashtimi mund të revokohet, derisa kuota e ortakut të përjashtuar nuk i është rimbursuar.

KAPITULLI IX **MARRËDHËNIET E PUNËS NË** **SHOQËRINË TREGTARE**

NENI 27

-Në shoqërinë tregtare "JD&Free" sh.p.k mund të futen ortakë të tjerë të rinj me kusht që përcaktohen në kontratën e bërë në këtë rast, sipas vendimit të asamblesë së ortakëve.

-Për punojësit e tjerë të shoqërisë bëhen kontrata kolektive ose individuale të punës sipas parashikimeve në legjislacionin shqiptar të punës.

-Punojësi i shoqërisë tregtare përgjigjet disiplinarisht, materialisht dhe penalisht nëse është rasti, kur shkel detyrimet e veta sipas kontratës së punës, për dëmet që mund t'i sjellë shoqërisë tregtare me veprimet ose mosveprimet e tij të fajshme.

KAPITULLI X **MOSMARRËVESHJET DHE DISPOZITA TË FUNDIT**

NENI 28

Zgjidhja e mosmarrëveshjeve

Çdo mosmarrëveshje a konflikt në lidhje me themelimin, regjistrimin, funksionimin dhe likuidimin e kësaj shoqërie, ortakët do të angazhohen se do ta zgjidhin me mirëkuptim, dhe në rast

Sensored Agalliu *Frida Agalliu*

STATUT "JD&Free" SHPK

se kjo nuk arrihet kompetente per gjykimin e mosmarrëveshjeve a konflikteve te mundshme do te jetë Gjykata e Rrethit Gjyqësor Berat.

NENI 29 *Dispozitat e fundit*

29.1 Shoqëria do të zhvillojë aktivitetin e saj në përputhje të plotë me këtë Statut dhe me ligjin shqiptar. Për sa nuk është parashikuar në këtë Statut, do të aplikohen dispozitat e legjislacionit shqiptar në fushën e shoqërive tregtare si dhe legjislacioni shqiptar në përgjithësi.

29.2 Shoqëria do të ketë vulën, stemën, logon dhe faqen e internetit (ëebsite), format dhe madhësitë do të përcaktohen nga Asambleja e Ortakëve në veçanti dhe me propozim të Administratorit.


29.3 Ky Statut është hartuar në 3 (tre) ekzemplare, duke patur secili ekzemplare fuqi të njëjtë ligjore.

Statuti u redaktua në gjuhën shqipe.

Ortakët e Shoqërisë me Përgjegjësi të Kufizuar

"JD&Free" Sh.p.k

FRIDA AGALLIU



DESARD AGALLIU



Berat, më 03.01.2024